

28.6.2016.



U organizaciji Ministarstva za privredu Bosansko-podrinjskog kantona Goražde, u općinama Goražde, Foča i Pale u FBiH održane su javne rasprave o nacrtu Strategije o razvoju turizma za period 2016-2020.godina.

Radi se o Strategiji koja je rađena uporedo sa Strategijom razvoja Bosansko-podrinjskog kantona za period 2016-2020.godina, a budžet za njenu realizaciju predviđen je u iznosu od 4.500.000 KM što predstavlja dva posto ukupnog budžeta našeg kantona za naredne četiri godine. Strategijom su određeni strateški pravci djelovanja turizma u našem kantonu, a jedan od najznačajnijih je stvaranje osnovne pretpostavke za razvoj, kroz prostorno-plansku dokumentaciju, infrastrukturu za razvoj te bolju saradnju sa Agencijom za vodno područje

slivova rijeke Save u cilju korištenja najznačajnijeg turističkog resursa- rijeke Drine.



Prema riječima koordinatorice za izradu Strategije razvoja turizma u BPK Goražde Azre Zorlak, jedan od strateških planova jeste da turizam bude samoodrživa grana na prostoru našeg kantona koja će pospiješiti dalji privredni rast ovog kantona i povećati broj zaposlenih.

Kako je naglašeno, potencijali za razvoj turizma između ostalog vezani su i za kulturno-historijsko naslijeđe koje je u posljednje vrijeme posebno aktualizirano, te planinski turizam na lokalitetima „Bijele vode“ i Sportsko- rekreacionog centra „Ruda glava“.



[](#)